

## 客語能力【高級認證】閱讀測驗（詔安腔）範例試題

※請考生定著愛先睇過考試說明後，正來作答。

考試說明：

- 閱讀測驗分做兩種題型：
  1. 篇章理解：攞總12題，先睇一篇文章了後回答問題，逐篇文章會有3到4個題目，請你擇出頭適當个答案。
  2. 填空選擇：攞總12題，逐篇文章會有4個題目，請你擇出頭適當个答案。
- 測驗時間：30分鐘。
- 答案卡劃記注意事項：
  1. 請用2B鉛筆作答。
  2. 畫記愛粗、愛烏、愛清楚，毋好畫出格，粹愛粹淨，毋得用立可白抑係其他个修正帶；若係畫記無清楚，機器無法度辨認，就無算分數。
  3. 答案卡愛保持淨俐，毋會用拗著。

※考了後，請拗「題目卷、答案卡」兩件，由監試人員收轉，毋會用帶出考場。

-----開始作答-----

## 一、篇章理解（單選題，共 12 題）

下腳个題目係題組，請先閱讀文章了後，根據題目个指示，擇出頭適當个選項號碼填入答案卡。

### 第 1 篇

有一年个新春，雪花飄飄、梅香陣陣，阿雪和阿梅兩儕在遐賣弄身裝、展佢个本德，睭麼儕較靚、較慶，相賽想愛做春天个霸主，麼儕攏毋肯輸麼儕，兩儕爭到起呸面，請來賞奈个阿坡哥來做公親。

阿坡哥這睭遐睭，踩踩踏踏，頭那皮攏爪溜啊，即係毋知愛得麼儕第一好！佢睭一下遠山講：「對阿雪个白這方面來睭，阿梅輸阿雪有三分哦！」企偎梅樹來相，啟一下大氣又講：「阿梅个香這方面來想啊，阿雪又輸阿梅一大截哦！毋過，論起真來，阿梅好在有阿雪个撩弄，正顯出佢个精神，阿雪又好得阿梅个幫襯，正有佢个雅。」

討到偎暗，阿雪婆娑起舞，雪花片片，壅天壅地，歸个天地攏係佢个樣；阿梅散出清香，香氣湧天煞地，歸下乾坤攏沉浸在花香底，如醉如夢，麼个天宮仙境嘛毋會比个。阿坡哥愕然清醒過來，頭尾佢下評論講：「逐儕攏有贏个一面，嘛有輸个一程，莫論高低哪！兩儕若融合起來好好展現各儕个才情，這大地个春色即十全十美啊！」

1. 在這篇文章，阿坡哥仰子評判阿梅佸阿雪个比賽？
  - (1) 阿梅輸三分
  - (2) 阿雪贏一大截
  - (3) 裁判毋敢評分
  - (4) 公親無論輸贏
2. 下腳哪個選項个比論，頭偎這篇文章頭尾个意思？
  - (1) 貓躁飯鉢總成狗
  - (2) 青暝背跛腳討食
  - (3) 蚊死在掌聲下
  - (4) 打石堵著打鐵个
3. 下腳哪個選項，頭適合做這篇文章个題目？
  - (1) 陽春白雪
  - (2) 公親難為
  - (3) 寒梅映雪
  - (4) 春暖花開

## 二、填空選擇（單選題，共 12 題）

下腳逐篇文章各有4個空格，擇出頭適當個選項號碼填入答案卡。

### 第 1 篇

這下幾年，逐國猶在遐著人瘟。在外國穢到無法度個時，臺灣人猶天轉笠婆花樣過日。（1），這人瘟嘛在臺灣爆發，即一路穢穢開。

學校先生這下面對空空個教室，猶有抓捉毋會著個線上教學，一個人對著電腦自言自語。佢人（2）慣勢寫烏枋，這滿猶愛（2）學生聽有入耳。有一兜先生個資訊能力本底即無恁好，（3）即愛佢人線上上課，毋管先生抑係學生即（3）硬堵。

起頭下有一兜學校即拗客語課程合班遠距教學。猶（4），一個先生愛渡恁多學生。一個著人瘟，得教學現場改變真多現象，毋過嘛有得偲人躋著資訊時代個腳步，大家會用好好來思考這兜問題。

1. (1) 敢毋會      (2) 盲知講      (3) 仰子毋知      (4) 係仰子
2. (1) 猶係...強      (2) 共款...使      (3) 輒常...逼      (4) 本來...準
3. (1) 猶無法度...  
    猶擱      (2) 抄無頭尾...  
    仰子會      (3) 無胚想著...  
    正經      (4) 真無心性...  
    實在
4. (1) 毋知寶惜      (2) 實在苦憐      (3) 面皮貴貴      (4) 實在該然

【第 5 到 12 題略】

-----考試結束-----